

Nobis, & dictae Romanae Ecclesiae quomodolibet mediate, vel immediate subiectis, Banniti, & exules sint, & esse censeantur, nec in illis, seu eorum aliquo, etiam praetextu cuiusvis licentiae, salvo conductus, remissionis, reductionis, revocationis, vel alterius gratiae per eos desuper quomodolibet pro tempore obtenta, moram trahere possint, & si in eis resederint, vel reperti fuerint, capi, detineri, & incarcerari, ac juxta criminum, & excessuum per eos perpetratorum qualitatem, & literarum Pii Praedecessoris hujusmodi tenorem, sub poenis in eisdem literis contentis, per Officiales Civitatis, Terrae, Castrum, vel loci, in qua, vel in quo deprehensi fuerint, debitis poenis plecti, seu inde educi, & ad forum, seu Officiales, ad quos criminum, & excessuum eorumdem puniatio de jure, vel consuetudine pertinet, remitti debeant, extendimus, & ampliamus. Et nihilominus praemissa omnia, & singula, prout per Pium, Paulum, Sixtum, Julium, & Leonem Praedecessores praefatos statuta, & ordinata, inhibita, decreta, & declarata fuerunt, ita ut Duces, Barones, Marchiones, Comites, Domini temporales, Vicarii, Feudatarii, Capitanei, Magnates, Principes, Communitates, Cives, Officiales, & personae, ac alii, ad quos praedictae, & praesentes literae concernunt, ac ipsorum singuli, literas, & in eis contenta hujusmodi non observantes, & illis quomodolibet, directe, vel indirecte contravenientes, ac eis adherentes, eorumque fautores, & complices, singulas censuras, & poenas praedictas, eo ipso absque alia declaratione incurrant, & incurrisse censeantur de novo.

Receptus
Bannitos im-
ponit poenas
hic expectas.

§.8. Quodque Duces, Barones, Marchiones, Comites, Domini in temporalibus, Vicarii, & Feudatarii Civitatum, Terrarum, Castrorum, & locorum etiam Regni, & partium praedictorum Nobis, & eisdem Ecclesiae immediate subiectorum, aliquos nostros, & dictae Ecclesiae hostes, & inimicos, aut subditos exules, bannitos, & facinorosos cuiuscumque status, vel conditionis fuerint, publice, vel occulte, nullo unquam tempore recipere, & acceptare nullatenus praesumant. Et si aliquis ad eorum dominia, & territoria confugere contigerit, illos ex eorum dominiis, vel territorii hujusmodi expellere, seu ad simplicem iussionem, vel requisitionem nostram, vel successorum nostrorum, quo voluerimus, seu successores ipsi voluerint, tute conducere, ac quod praemissa a suis subditis inviolabiliter observentur, omni excusatione cessante cum effectu curare; sub similibus privationis, & rebellionis, ac crimine laesae Majestatis poenis, si contrafecerint, eo ipso incurrendis.

Communitates, & alii sub poenis de quibus hic tenentur capere homicidas, & fautores.

§.9. Necnon ut homicidae, fautores, & complices praefati facilius capi, & puniri possint, quod Communitates, Civitatum, & Universitates Terrarum, Castrorum, & locorum, in quibus, seu quorum territorio, districtu, & ditione, dicta homicidia perpetrabuntur, sub interditi Ecclesiastici, &

duorum millium per Communitates, ac mille ducatorum per Universitates, necnon Civitatum, Terrarum, & locorum eorumdem Domicelli, Barones, Vicarii, aut alii in temporalibus domini, sub majoris excommunicationis latae sententiae, & quinque millium ducatorum auri Camerae Apostolicae irremissibiliter applicandorum eo ipso, absque alia declaratione incurrendis poenis: eosdem homicidas, complices, & fautores statim capere, ac omnem exactissimam diligentiam, de qua per publica documenta fidem etiam facere teneantur, capi facere. Et si eos capere nequiverint, statim commissum homicidium universitatibus, seu incolis, & habitatoribus Oppidorum circumvicinorum, ad quae declinantur, aut declinare poterunt, notificari. Communitates vero, & domini in temporalibus praedicti, ad quorum ditionem tales declinantur, cum primum id ad eorum notitiam devenerit, eos apprehendere, seu apprehendi. Quod si non potuerint, similiter id Universitatibus, seu incolis, & habitatoribus vicinorum Oppidorum, & locorum, ad quae declinantur, aut verisimiliter declinare, poterunt insinuare, & captos ad eorum Judices ordinarios traducere, & tradere, sub similibus poenis teneantur, & debeant, statuimus, ordinamus, inhibemus, & declaramus.

§.10. Et ne facilitas veniae incentivum praebet delinquendi, quibusvis dictae Sedis Legatis etiam de latere, ac Nunciis, & Provinciarum Rectoribus, necnon nostris, & dictae Romanae Ecclesiae Vicariis in temporalibus pro tempore existentibus, & praefatis Communitatibus omnem super absolutionibus homicidiorum hujusmodi per Nos, & Praedecessores nostros Romanos Pontifices, ac Sedem eandem sub quavis forma, & verborum expressione concessam, approbatam, & innovatam, auctoritatem, & facultatem revocamus, cassamus, irritamus, & annullamus. Et si quando similes absolutiones per Nos, & successores nostros Romanos Pontifices, ac Sedem praefatam, concedi contigerit, illas per Judices, & Officiales, ad quos pertinet, nisi tria literae Apostolicae, sub intervallo unius mensis pro singulis literis hujusmodi expressa derogatione praesentium, desuper emanaverint nullatenus admitti, vel observari volumus.

§.11. Quocirca dilectis filiis Francisco tit. S. Mariae in Transtiberim Presbytero Cardinali, nostro, & pro tempore existenti Camerario, Camerae Apostolicae Clericis, & Praesidentibus, ac universis, & singulis Legatis Provinciarum nostrarum, & aliis Rectoribus, & Gubernatoribus, ac Officialibus Civitatum, Terrarum, & partium praedictarum, Nobis, & dictae Ecclesiae mediate, vel immediate subiectarum, Motu simili mandamus, quatenus praesentes literas solemniter, in singulis Provinciis, Civitatibus, Terris, & locis praedictis publicari, necnon omnia, & singula in eis contenta inviolabiliter observari faciant, & mandent. Contrafacientes quovis cuiusvis sta-

Facultates quibusvis concessas absolvendi homicidas revocant.

Executores istius Constitutionis deputat.

status, gradus, ordinis, vel praeminentiae sint, sententias, censuras, & poenas ante dictas damnabiliter incurrisse declarent, & declarationem hujusmodi per eos faciendam, in libris malefactorum conscribi, & adnotari mandent, & faciant. Necnon capitales praedictas sententias a Ministris Justitiae absque alicujus incurfu irregularitatis exequi procurent. Reales autem irremissibiliter exigant, invocato etiam ad hoc si opus fuerit, auxilio brachii saecularis. Necnon pro exactione poenarum pecuniarum, hujusmodi contra Communitates, & Universitates, ac eorumdem inobedientium in temporalibus dominorum vasallos, propter eorum hujusmodi inobedientiam, repraesentias concedant, nec realiter, & cum effectu exequi faciant.

§.12. Attentius hortantes, & requirentes in Domino Barones, & Domicellos, ac in temporalibus dominos d. Regni, necnon illius Provinciarum, Civitatum, Terrarum, & locorum Gubernatores, & Officiales pro tempore existentes, ut praefatos homicidas, fautores, & complices capiant, & capi procurent, captosque ad Praesides nostrarum Provinciarum, unde ipsi homicidae, fautores, & complices originem traxerint, conduci, & eis realiter consignari similiter cum effectu faciant.

§.13. Non obstantibus constitutionibus, & ordinationibus Apostolicis, ac omnibus illis, quae dicti Praedecessores in praefatis eorum literis voluerunt non ob stare, contrariis quicquidumque. Aut si aliquibus communiter vel divisim ab eadem sit Sede indultum, quod interdicti &c.

Nulli ergo &c. Si quis, &c.
Dat. Romae apud S. Petrum, Anno Incarnationis Dominicae, millesimo quingentesimo vigesimo quarto, pridie Idus Junii, Pont. nostri Anno primo.

X.
Approbatio Congregationis Clericorum Regularium (qui deinde Theatini nuncupati sunt) cum elargitione omnium gratiarum, & privilegiorum Congregationis Canonicorum Regularium Lateranensium.

CLEMENS PAPA VII.

Venerabili fratri Jo. Petro Episcopo Theatino, & dilecto filio Cajetano Presbytero Vicentino, ac eorum sociis, & successoribus.

Quidam magis quiete Deo servire volentes, sub habitu clericali, in communi, & de communi vivere ceperunt, & vota subsecraria emittere volentes, assensum Papae petierunt.

Exponi nobis nuper fecistis, quod vos, & nonnulli alii ejusdem propositi, socii vestri, divina, ut creditur, inspiratione ducti, cupientes cum majori animi quiete Deo servire, & illi magis pio desiderio adherere posse, tria substantialia religiose vitae, paupertatis scilicet, castitatis, & obedientiae vota emittere, & sub solito, ac communi habitu clericali in unum habitantes, & in communi viventes, ac Deo humiliter, & devote, quantum ipse dederit, fervientes, sub nostra, & Apostolicae Sedis

humili, & immediata subiectione, & speciali protectione, clericalem vitam ducere decrevistis, supplicarique Nobis fecistis, ut de nostra, atque hujus sanctae Sedis Apostolicae plenitudine potestatis, solitaque clementia, in praemissis benigne annuentes, de eis, quae ad hujus vitae propositum conducere, aut quomodolibet expedire videntur, vobis sociis, successoribusque vestris providere dignaremur.

§.1. Nos, qui omnium Christianifidelium piis, & honestis desideriis libenter annuimus, vestrum in hac parte laudabile desiderium, plurimum in Domino commendantes vestrisque hujusmodi supplicationibus inclinati, vobis, & cuilibet vestrum, ut quodcumque visum fuerit, possitis tria substantialia religiose vitae, ut petitis, Paupertatis, Castitatis, & Obedientiae vota publice emittere, & in manibus cuiuscumque Presbyteri saecularis, vel cuiusvis Ordinis regularis, solemniter profiteri, ac sub solito, & communi habitu clericali, subque nomine, & nuncupatione Clericorum Regularium in communi, ac de communi viventes, in locis religiosis, aut saecularibus, prout vobis ab illis, quorum loca ipsa fuerint, concessum fuerit, seu expedire videbitur, sub nostra, & sanctae hujus Sedis Apostolicae immediata subiectione, & speciali protectione in unum habitare.

§.2. Atque ex vobis, inter vos singulis annis Superiorem eligere, Praepositum nuncupandum, qui usque ad triennium, & non ultra confirmari possit.

§.3. Aliosque quoscumque saeculares clericos, quavis dignitate fulgentes, seu laicos, qui, Deo inspirante, ad hujusmodi vitae propositum, & communem vivendi modum sese conferre voluerint, recipere, & post annum probationem, ad talem trium votorum professionem, in manibus Superioris, seu Praepositi emittendam, ad hujusmodi communem vivendi modum admittere.

§.4. Necnon statuta quaecumque ordinationes, & constitutiones, de omnibus, & singulis, quae ad hujusmodi vitae propositum conducere, moreisque, & institutum honeste, & devote clericaliter vivendi concernere videbuntur, de Missis praecipue, & aliis divinis officiis, seu horis canonicis, prout vobis melius videbitur, celebrandis, & recitandis, licita tamen, & honesta, rationabilia, & bonis moribus, & sacris canonibus non contraria, facere, edere, & pro tempore facta, edita corrigere, reformare, & in parte, vel in totum immutare, ac de novo alia, prout vobis expedire videbitur, instituire, & ordinare, ac juxta illa vivere, quae postquam a vobis condita, edita, reformata, instituta, aut immutata, & ordinata, ac Nobis, seu successoribus nostris exhibita fuerint, Apostolica auctoritate approbata, & confirmata sint, & esse censeantur.

§.5. Et ut omnibus, & singulis privilegiis, exemptionibus, immunitatibus, Indulgentiis, facultatibus, libertatibus, au-

Qui eis illam impartitur, eisdemque sub Sedis Apostolicae protectione recipi.

Praepositumque eligendi.

Alios ad religionem recipiendi.

Constitutionesque opportunas eadem facultatem concedit.

Privilegia, & gratias Congregationis Canonicorum.

1524. Lateranensis u elargitur.

fortitatibus, indultis, favoribus, concessionibus, & gratiis spiritualibus, & temporalibus, quibus potiuntur, & gaudent, aut in futurum potentur, & gaudebunt, Canonici Regulares Lateranensis Congregationis, personae, & loca eorum, vos, personae, & loca vestra, uti, potiri, & gaudere possitis. Quorum tenores praesentibus pro sufficienter expressis, & de verbo ad verbum insertis haberi volumus, ita ut litterae Apostolicae super eisdem privilegiis, exemptionibus, concessionibus, & gratiis, eisdem concessis, vel pro tempore concedendis, mutatis dumtaxat nominibus, cognominibus, & diebus, ad libitum vestrum expediri possint, perinde ac si illa omnia, & singula non solum per clausulas generales, sed per eorum tenorem de verbo ad verbum expressionem, & insertionem, fuissent vobis per has nostras litteras, sub hac ipsa die, expresse, & specialiter concessa, tenore praesentium ex certa nostra scientia, & ex Apostolica plenitudine potestatis, vobis, ac sociis, & successoribus vestris, in perpetuum concedimus pariter, & indulgemus, & ad praemissa omnia, & singula quibuscumque impedimentis, & contradictionibus amotis, liberam plenamque auctoritatem, & facultatem elargimur.

Conerariis de roga.

§.6. Non obstantibus nomine, dignitate, & officio Episcopali, quae Joanni Petro supradicto per alias nostras litteras reservavimus, Apostolicisque, aut aliis generalibus, aut specialibus constitutionibus, ordinationibus, etiam juramento, aut alia quavis firmitate roboratis, etiam si quae specialiter, seu de verbo ad verbum exprimenda essent, quae pro expressis haberi, & quibus, quoad effectum praesentium dumtaxat, specialiter, & expresse derogamus, aliisque contrariis non obstantibus quibuscumque.

Dat. P. An. I. die 24. Junii.

Datum Romae apud Sanctum Petrum, sub Annulo Piscatoris, die 24. Junii 1524. Pontificatus nostri Anno I.

XI.

Declaratio circa expensas fieri permissas Militiae de Calatrava, Ordinis Cisterciensis, de communi Thesauro dictae Militiae.

De hac Militia atque Thesauro, vide in Constitut. XXI. Tom. III. Part. III. Julii II. fol. 305. Romani, & alia in Constitut. IV. Adriani VI. fol. 8. Dum intra.

CLEMENS EPISCOPUS SERVUS SERVORUM DEI Ad futuram rei memoriam.

Exordium.

Romanus Pontifex ex injuncto sibi de super Apostolica servitutis officio, ad ea libenter intendit, per quae singuli Christiani fideles sub Regularibus praesertim Militiis, pro fidei Catholicae defensione institutis militantes, expensas necessarias, & alia onera eis pro tempore incumbentia, absque ali-

quo conscientiae scrupulo subire valeant, eorumque, & Catholicorum Regum desuper sibi supplicantiis votis libenter annuit, prout id conspicit in Domino salubriter expedire.

§.1. Sane carissimus in Christo filius noster Carolus Romanorum Rex Illustris in Imperatorem electus, qui etiam Castellae, Legionis, Aragonum, & Utriusque Siciliae Rex, per Sedem Apostolicam deputatus, Militiae de Calatrava Cisterciensis Ordinis perpetuus Administrator extitit, suo, & dilectorum filiorum universorum, Priorum, Praeceptorum, Fratrum, & Militum dictae Militiae hujusmodi per dilectum filium Ramirum Nunez de Aguilera Praeceptorem domus de Messana Militiae, & Ordinis praedictorum, Toletanae Diocesis, Nuntium suum super hoc ad Nos destinatum, nuper Nobis exponi fecit, quod postquam olim pro parte clar. mem. Ferdinandi Aragonum, & Siciliae praedictorum tunc Regis, ac ejusdem Militiae perpetui Administratoris per Sedem eandem etiam deputati, felicitis recordationis Julio Papa II. Praedecessori nostro expositum fuerat, &c. Omittitur reseratum narrative, quia ipsa Bulla Julii in Tom. III. Part. III. fol. 305. Romani.

Julius II. edidit Constitutionem, de qua hic.

§.2. Dicta Militia ex tunc Thesauro ipsam juxta formam statutorum, ordinationum, & litterarum praedictarum habere. Et licet exinde omnes, & singulas expensas pro necessitatibus, negotiis, rebus, honore, & utilitate ejusdem Militiae, ac illius Monasteriorum, & locorum, illorumque onerum eis pro tempore incumbentium necessarias supportare, & facere potuisse credunt; tamen ipsi, vel eorum aliqui, qui timorata, & scrupulose conscientiae existunt, pro eorum conscientiarum tutiori cautela, illas, quas haec tenore facere consueverunt, & alias similes, vel dissimiles necessarias expensas, five sint pro defensione, & protectione praedictis, five etiam pro Monasteriis, & aliis locis dictae Militiae, eorumque fabricis, aut etiam pro expeditione quarumcumque litterarum etiam Apostolicarum in favorem Militiae, & Monasteriorum, locorum, ac personarum praedictorum expediendarum, ac satisfactione, seu remuneratione illorum, qui pro earum expeditione, ac aliis eorum, & singulorum rebus, negotiis, utilitate, vel honore, auxilium, consilium, vel favorem praestiterint, & aliorum onerum eis pro tempore incumbentium supportatione, & ex Thesauro praedicto, juxta providam ordinationem, deliberationem, & consilium Caroli Regis in Imperatorem electi, & pro tempore dictae Militiae Administratoris, seu Magistri, & Capituli Generalis, vel Seniorum, Priorum, Praeceptorum, Fratrum, & Militum dictae Militiae Administratoris, libere facere cuperent. Quare pro parte Caroli Regis in Imperatorem electi, seu Administratoris, ac Priorum, Praeceptorum, Fratrum, & Militum modernorum praedictorum Nobis fuit humiliter supplicatum,

Postea ex Thesauro, sub hac Militia de Calatrava, in casu hic relato exponere consuevit, sed pro conscientiae securitate, hujus Pontificis permisso petitur.

Hic ideo P. tifici de The sauro expen sas, de quibus hic certo modo fieri indul g.

tum, quatenus eis in praemissis oportune providere de benignitate Apostolica dignaremur.

§.3. Nos igitur eorum laudabili desiderio in praemissis annuentes, ac Priores, Praeceptores, Fratres, & Milites modernos praedictos, eorumque singulos, a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis, a jure, vel ab homine quavis occasione, vel causa latis, si quibus quomodolibet innodati existant, ad effectum praesentium dumtaxat consequendum, harum serie absolventes, & absolutos fore censentes, hujusmodi supplicationibus inclinati, auctoritate Apostolica tenore praesentium, Carolo Regi in Imperatorem electo, & Administratori, ac pro tempore existenti Magistro, seu Administratori, necnon Majori, & aliis Praeceptoribus, Prioribus, Fratribus, & Militibus modernis, & pro tempore existentibus Militiae hujusmodi, quod ipsi de cetero perpetuis futuris temporibus omnes, & singulas expensas tam pro Militia, quam Monasteriis, & aliis locis, eorumque fabricis, rebus, & personis praedictis, quam etiam pro expeditione quarumcumque litterarum etiam Apostolicarum pro eis, & aliorum singulis, ac aliorum onerum eis incumbentium, necnon satisfactione, remuneratione, & recompensatione illorum, qui in illis, & aliis eorum negotiis, rebus, commodo, utilitate, favore, honore, vel oneribus suis, aliquid fecerint, aut ad id faciendum consilium, consensum, & favorem praestiterint, ex Thesauro praedicto, de consilio Capituli Generalis, vel saltem Diffinitorum, aut Seniorum illius, facere libere, & licite valeant, indulgemus, ac ipsae expense sic pro tempore factae, quando videlicet per Carolum Regem in Imperatorem electum modernum, ac pro tempore existentem Administratorem, vel Magistrum, de Diffinitorum, & Seniorum in ejus Curia pro tempore residentium, quando vero per Diffinitores, & Seniores, aut Capitulum praedictos etiam modernos, & pro tempore existentes de Caroli Regis in Imperatorem electi Administratoris moderni, & Magistri pro tempore etiam existentium praedictorum ejusdem Militiae factae fuerint, bene factae sint, & esse censentur, ac pro bene factis habeantur, & reputentur, statuimus, & ordinamus, ac litteras Praedecessoris hujusmodi etiam ad praemissa extendimus, & ampliamus.

Quibuscumque non obstantibus.

§.4. Non obstantibus praemissis, & Apostolicis, ac in Provincialibus, & Synodalicis Conciliis editis, generalibus, vel specialibus constitutionibus, & ordinationibus, ac Militiae, & Ordinis, eorumque Monasteriorum, & locorum praedictorum etiam juramento, confirmatione Apostolica, vel quavis firmitate alia roboratis statutis, & consuetudinibus, omnibus, quae idem Praedecessor noster, in dictis litteris voluit non obflare, ceterisque contrariis quibuscumque. Nulli ergo &c. Bull. Rom. Tom. IV. Part. I.

Dat. Romae apud S. Petrum, Anno Incarnationis Dominicae, millesimo quingentesimo vigesimo quinto, Idus Januarii, Pont. nostri anno secundo.

Dat. P. An. II. die 13. Janu.

XII.

Facultas Collegii deputatorum Fabricae Basilicae S. Petri de Urbe, componendi pro subventionem dictae Fabricae super legatis, Loco Pio, vel personae incertae, aut ignotae, & pro male ablatis, maleve ablatorum restitutione relicta, ac bonis Ecclesiarum, & beneficiorum occupatis, &c. Hic Collegium exivit hic Pont. in Constit. 3. Admonet, supra fol. 31.

CLEMENS EPISCOPUS SERVUS SERVORUM DEI Ad futuram rei memoriam.

Udum admonentes nos cura regiminis, & auctoritate Pontificali inducente, ut ad ea potissimum intenderemus, per quae gloriosi Principes terrae Petrus videlicet, & Paulus Apostoli, qui primum Evangelium Dei in Alma Urbe praedixerunt in eaque postquam Christianam Religionem ibidem plantaverant, ac universum Orbem Sacrae Doctrinae splendore, & plurimis miraculis repleverant, gloriosi Martyrii coronam sub eodem persecutore, ac eadem die susceperunt, eo majori veneratione a Christianis colerentur, quo majoribus meritis, inter alios Apostolos excelluerunt.

Exordium.

§.1. Quia tamen Salvator noster Jesus Christus Petrum aliorum Apostolorum Principem, & eum, ejusque Successores plenitudinem habere volumus, mente revolvimus ad nostrum officium pertinere, ut postquam sel. rec. Julius Papa II. Praedecessor noster existimans quemadmodum ipse Petrus Apostolorum Princeps haberetur, ita etiam Basilicam sub ejus invocatione in dicta Urbe dedicatam, aedificii pulchritudine, & magnificentia inter alias principatum obtinere debere, ipsam propterea, demolendam duxerat, ut eam aedificio longe ampliori, & magis admirabili reficeret, & instauraret.

Julius II. iussit Basilicam S. Petri destrui, & magnificentius reaedificari, ut in eor. Constit. XXI. Tom. III. Part. III. fol. 313.

§.2. Quod ipse Julius morte praeventus, successive Leo X., & Adrianus VI. Romani Pontifices, etiam Praedecessores nostri variis causantibus impedimentis perficere non potuerunt, id omni conatu, ac totis viribus aggredieremur, dignum quin potius debitum duximus, quod illius Fabricae etiam communi favore, & diligentia profequenda esset.

At ipse & Successores Pontifices hoc opus perficere non voluerunt.

§.3. Et ut Fabrica ipsa prosperiores successus amplecteretur, ac pia Christianorum suffragia pro eadem Fabrica eroganda fideliter exigerentur, conservarentur, & in Fabricam ipsam, & non alium usum converterentur, providere volentes, revocatis per nos primitus quibuscumque Officialibus praefectis ad opus dictae Fabricae, cuiuscumque dignitatis, status, gradus, & conditionis forent, etiam si Pontificali dignitate,

Et ideo hic Pontifex ad curandam perfectionem d. Fabricae Collegium Deputatorum instituit, ut in Constit. 3. supra fol. 31.

tate, aut Cardinalatus honore praeferent per dictos Praedecessores, & nos, ac Sedem Apostolicam eatenus deputatis, ac omnibus commissionibus, & facultatibus eis concessis, & factis, eisque ab huiusmodi praefectione, & aliis officiis, ac commissionibus absolutis, unum Collegium Fabricae Beati Petri de Urbe nuncupandum, omnium Oratorum Christianorum Regum, & Principum, Rerumque publicarum, ac singularum nationum, in nostra Romana Curia degentium Curialium digniorum ex eis numerum sexaginta non excedentium, ad hoc de mandato nostro tunc electorum, loco quorum pro tempore decedentium, vel se diutius absentantium, alii eorumdem nationum similiter eligi possent, sic tamen quod dictum numerum sexaginta non excederent, auctoritate Apostolica Motu proprio ereximus, & constituimus, ipsique Collegio administrationem, curam, & directionem, ac omne regimen dictae Fabricae plenarie commisimus, prout in nostris inde confectis literis plenius continetur.

Et modo pro subventionem eiusdem Fabricae, dat Collegio auctoritatem componendi super.

§.4. Cognoscentes autem ad tanti operis absolutionem, facultates Camerae Apostolicae quam pluribus debitis, & aliis oneribus gravatae, non sufficere, & opus ipsum tam sublime, & excelsum, ad finem optatum, absque piis, & largis Christianidelium erogationibus, & aliis subsidiis, perducere non posse, ac considerantes indulgentias, & alias gratias, tam spirituales, quam temporales, per praefatos Praedecessores in favorem dictae Fabricae concessas jamdudum expirasse, Motu simili, & ex certa scientia, ac Apostolice potestatis plenitudine, praefatis Collegio, & ab eis ad infra-scripta, in genere, vel in specie deputandis, aut subdelegandis, ut ad biennium a publicatione praesentium literarum in valvis dictae Basilicae tribus diebus continuis faciendae computandum, & deinde ad nostrum, & Sedis Apostolicae beneplacitum, cum quibuscumque utriusque sexus Christianidelibus, cuiuscumque status, gradus, ordinis, conditionis, & praerogativae existant, tam Ecclesiasticis, etiam Religiosis, quam Saecularibus per totum Orbem constitutis.

Male ablatis incertis.

§.5. Super quibuscumque male ablatis, incertis, vel per usurariam pravitatem, quaesitis, etiam certis quaesitorum ab alio feneratorum extorsisset, & quae ipse requisitus usuris restituere paratus non esset.

Debitis Ecclesiae cui Romana succederet Ecclesia

§.6. Vel alicui privatae Ecclesiae deberentur, in quibus tamen Romana Ecclesia de iure communi succedere posset.

Restituendis personae incerta.

§.7. Ac etiam bonis, quae ad alicujus manus pervenissent, & illa habentes quibus restitui deberent, ignoraverint, vel dubitaverint, quamquam male ablata per eos non existant, seu alias illa ad eos pervenerint.

Legatis piis incertis.

§.8. Et similiter de eis, quae Deo, ejus Sanctis, & eorum intuitu pauperibus, & aliis piis locis in genere, & absque ulla speciali determinatione, & propriis nominibus personarum non expressis, pure in diem, vel sub conditione, etiam per viam subli-

tutionis, vel translationis, aut alias quomodolibet relicta fuerint, ac biennio, & beneplacito huiusmodi durantibus relinquuntur, tam pro praeterito, quam futuro temporibus, etiam ante illorum purificationem, vel diei adventum, aut cessionem componere, ita ut soluta aliqua quantitate pro dicta Fabrica eisdem Collegio, seu deputandis, vel subdelegandis ab eis dumtaxat, a reliquorum sic relictorum, male ablatorum, ac per usurariam pravitatem extortorum, seu ad eos alias pervenerint, & cui ea restituere debeant, dubitanter ignorant, ut praesertur, restitutione absoluti existant, & ultra restituere minime teneantur, eis concedere.

Inexactis etiam Ordinario donatis, vel relictis pro incertis, &c.

§.9. Ac illa, quae tempore publicationis literarum Indulgentiarum Julii, & Leonis, ac Adriani Praedecessorum, huiusmodi inexacta remanserunt, etiam si illa Ordinariis pro ipsis tamen incertis quomodolibet relicta, donata, & quae eis quovis modo obvenierint. Necnon quae ab ipsis Ordinariis, vel eorum nomine, post ipsam publicationem, exacta, & eis quomodolibet soluta, ac etiam quae ante ipsam publicationem pro ipsis certis, aut incertis personis, & locis non debebantur, sed post publicationem praedictam postea deberi ceperunt, etiam si ea Ordinariis, ut praemittitur, relicta, donata, aut obventa, tamquam eis indebita per ipsos Collegium, & deputandos, seu subdelegandos ab ipsis nomine dictae Fabricae libere exigi, ac repeti, & assequi posse, & debere decernimus, etiam censuris Ecclesiasticis, ac pecuniariis poenis, aliisque juris remediis opportunis, invocato etiam ad hoc, si opus fuerit, auxilio brachii saecularis.

Bonis Ecclesiarum, & beneficiarum restituentis, &c.

§.10. Ac cum quibuscumque, qui bona Ecclesiarum, Monasteriorum, & beneficiorum Ecclesiasticorum quorumlibet haberent, & judicialiter deficientibus probationibus, ad illorum restitutionem compelli non possent, etiam si per eos probari posset.

Relictis pro male ablatis.

§.11. Quae bona omnia, ac quaecumque legata, & alias quomodolibet etiam hereditatis titulo pro male ablatorum restitutione relicta haecenus, & quae relinqui, ac largiri contigerit in futurum biennio, & beneplacito huiusmodi durantibus in quibuscumque testamentis, donationibus causa mortis, codicillis, aut aliis ultimis voluntatibus per quoscumque, & ubicumque factis.

Legatis piis locis, & personis incertis, vel absentibus, & ignorantibus.

§.12. Et quae durante biennio, & beneplacito huiusmodi sicut quibuscumque incertis Ecclesiis, & piis locis, aut personis similiter incertis, vel absentibus, taliter quod propter ipsorum absentiam merito ab eis notitia haberi non posset.

Restituendis ei, cui receptio non competit.

§.13. Ac etiam quae restitutioni subjacerent, sed in eis, vel ad ea personis, quibus illa fieri deberet, receptio non competet.

Exponendis in praedictis, & speciatim, in diebus festis, & c.

§.14. Necnon omnes, & singulas pecunias, & res alias, quae in prandiis, ac conviviis, & publicis spectaculis, in aliquibus celebratibus ex voto statuto, seu consuetudine in aliquibus locis exponi consueverunt,

runt,

Declaratio quod praedicta procedant etiam si super his, & aliis locis ubique pendat.

runt, & biennio, ac beneplacito huiusmodi durantibus exponi debent.

Commissio omnium causarum Fabricae concernentium iudici d. Fabricae juxta contentiam Bullae hanc praecedentis.

§.15. Etiam si super illis, & aliis quibuscumque rebus, & bonis ad dictam Fabricam quomodolibet spectantibus, & pertinentibus, inter ipsam Fabricam, & quovis alios coram olim Praefectis, & Officialibus ejusdem Fabricae, aut dilectis filiis subpraedictae Camerae Clericis, seu Curiae causarum Camerae ejusdem generali Auditore, vel quibuscumque aliis iudicibus, & Commissariis quavis auctoritate fungentibus, etiam si Cardinalatus honore praefulerint in Romana Curia, vel extra eam, his etiam in secunda, vel ulteriori instantia indecisa pendeat, ad ipsam Fabricam applicamus.

Auctoritas d. Collegii ad componendum, cum occupantibus bona Ecclesiarum, & beneficiorum.

§.16. Ac omnes, & singulas causas eadem Fabricam concernentes, in quavis instantia, ut praemittitur, pendentes, earum omnium statum, & merita praesentibus pro expressis habentes, a dictis iudicibus, & Commissariis harum ferie avocamus, illaque in eo statu, in quo reperiuntur, praefatis Collegio juxta facultates eis in dictis prioribus literis nostris per nos concessas, ulterius ad audiendas, cognoscendas, decidendas, & sine debito terminandas committimus.

Electio nemque Confessionum dandi, elemosynam Fabricae praestantibus.

§.17. Super restitutione honorum Ecclesiarum, Monasteriorum, & beneficiorum huiusmodi, competenti recepta portione, vel quantitate pro eis in Fabrica huiusmodi convertenda similiter componere, & ipsos sic ea tenentes ab ulteriori eorum restitutione libere absolvere, & quod illa retinere libere, & licite possint in posterum eis concedere.

Relictis pro male ablatis.

§.18. Ac eisdem Christianidelibus qui cum praefatis Collegio, seu deputandis, vel subdelegandis ab eis de aliqua elemosyna pro dicta Fabrica convenerint, ut idoneum possint eligere confessorum, saecularem, vel cuiusvis Ordinis etiam Mendicantium Regularem, qui eorum confessione diligenter audita pro commissis per eligentem delictis, & excessibus, ac peccatis quibuscumque quantumque gravibus, & enormibus, etiam Sedi Apostolicae reservatis casibus, ac censuris Ecclesiasticis, etiam ab homine ad alicujus instantiam latis de consensu partium, etiam ratione interdicti incursum, & quorum absolutio dictae Sedi esset reservata, (praeterquam machinationis in personam Summi Pontificis, occisionis Episcoporum, aut aliorum Praelatorum, & injectionis manuum violentarum in illos, & alios Praelatos, falsificationis bullarum, & literarum Apostolicarum, delationis armorum, & aliorum prohibitorum ad partes infidelium, ac sententiarum, & censurarum occasione Aluminum Tulphae nostrae, ac de partibus infidelium ad fideles contra prohibitionem nostram delatorum incursum) semel in vita, & in mortis articulo, & in non reservatis casibus, totiens quotiens id petierint, eos absolvere, ac eis in mortis articulo plenariam omnium peccatorum indulgentiam, & remissionem impendere, ac poenitentiam salutarem injungere. Necnon emissa per eos vota quaecumque, ultramarino, ingressu Bull. Rom. Tom. IV. Par. I.

sus Religionis, & castitatis votis dumtaxat exceptis, in utilitatem dictae Fabricae, si contentis ad id accesserint facultates, sin autem, in alia pietatis opera commutare. Ac juramenta quaecumque sine alicujus praedicti relaxare, ac simoniae in ordinibus, vel beneficiis Ecclesiasticis commissa labe pollutos, ad ipsum opus contribuentes similiter absolvere, & cum eis super irregularitate, siquam censuris huiusmodi ligati Missas, & alia divina officia non tamen in contemptum clavium celebrando, aut alias in divinis se immiscendo, seu alias quomodolibet etiam beneficia Ecclesiastica praemissorum occasione, vel alias debite occupando, praeterquam ratione homicidii voluntarii, & bigamiae contraxerint, & ut in susceptis ordinibus ministrare, ac si quaesita beneficia Ecclesiastica, quae ex tunc eis de novo collata censentur, retinere libere, & licite valeant dispensare, omnemque inhabilitatis, & infamiae maculam, sive notam ex eis provenientem abolere, ac eis fructus per eos indebite perceptos, etiam ratione omissionis horarum canonicarum, & divinorum officiorum remittere possit, liceatque eisdem Christianidelibus Euchari- stiam, & alia Ecclesiastica Sacramenta ab eodem Confessore, vel alio Sacerdote cuiusvis Ordinis etiam Mendicantium Regulari per eos eligendo quocumque tempore, praeterquam in Paschate Resurrectionis, & sine alicujus praedicti recipere, ac ipsorum decedentium corpora etiam tempore interdicti auctoritate ordinaria appositi Ecclesiasticae tradi possint sepulturae sine pompa, ac quaecumque Ecclesiam, vel Capellam per eos eligendam devote visitando tot, & similes indulgentias, ac peccatorum remissiones consequantur, quas consequentur, si singulis diebus Quadragesimalibus singulas dictae Urbis, & extra eam Ecclesias, quae a Christianidelibus propter stationes Urbis visitari solent, personaliter visitassent. Ac ut eisdem Quadragesimalibus, & aliis temporibus prohibitis, ovis, butyro, caseo, & aliis lacticiis, carnibus vero de utriusque Medici consilio uti, frui, & vesci libere, & absque conscientiae scrupulo possint, & valeant, ipsique Collegium, & quibus vices suas in genere, vel in specie duxerint committendas, possint summam pecuniarum pro praemissis declarare, taxare, & limitare. Ac facultatem eligendi confessorum huiusmodi per eorum patentes literas eorum sigillo sigillatas, etiam absque insertione praesentium literarum concedere. Necnon nobilibus, & Presbyteris, ac graduatis, indulgere, ut habeant altare portatile, super quo cum debitis reverentia, & honore in locis ad hoc congruentibus, & honestis, etiam non sacris, & Ecclesiastico interdicto ordinaria auctoritate interpositis, dummodo causam non dederint huiusmodi interdicto, etiam antequam illucescat dies, circa tamen diurnam lucem, in sua, & suorum familiarium domesticorum praesentia Missas, & alia divina officia per seipsos, qui Presbyteri sunt, aut pro tempore erunt,

Inhibito ad-
versus contra-
vantes.

celebrare, seu per alios Sacerdotes celebra-
ri facere, ac tempore interdicti hujusmodi
divinis interesse libere possint, auctoritate
Apostolica praefata tenore praesentium li-
censiam, & facultatem concedimus.

§.19. Mandantes universis, & singulis
locorum Ordinariis, Abbatibus, & aliis
cujuscumque dignitatis, status, gradus,
ordinis, & praerogativa existant, sub ex-
communicationis latae sententiae, ac quin-
gentorum ducatorum auri Fabricae praedi-
ctae applicandorum poenis ipso facto incur-
rendis, ne publicationem, & praedicationem
earundem praesentium in eorum Ci-
vitatibus, & Dioecibus, ubi, & quando, ac
quotiens opus fuerit, faciendam impedire,
neve aliquid praetextu publicationis petere,
aut etiam a sponte offerentibus recipere, aut
in praemissis, & circa ea aliquam fraudem,
vel dolum committere. Nec illos, quos ab-
solvit, & cum quibus dispensari vigore praesentium
ab ipsis Collegio, vel deputandis,
aut subdelegandis ab eis contigerit, quovis
modo molestare, vel impedire, aut poenas
aliquas pro casu, in quo, ut praefertur, di-
spensatum fuerit, ex statuto, vel consue-
tudine, seu alias exigere per se, vel alium,
seu alios quovis modo audeant, vel praesu-
mant, ac decernentes confessionibus per
praefatos Collegium, & deputandos, vel
subdelegandos ab eis, pro tempore concessis,
& eorum sigillo duataxat munitis plenariam
fidem adhiberi debere.

Clausula de-
rogatoriae.

§.20. Non obstantibus praemissis, ac
Constitutionibus, & Ordinationibus Apo-
stolicis, necnon quibusvis aliis applicatio-
nibus, & concessionibus dictorum legato-
rum, & incertorum ablatorum, ac privi-
legiis, & indultis Apostolicis quibuscum-
que Ordinibus, Ecclesiis, Hospitalibus, &
aliis Pius Locis, ac miserabilibus personis,
in genere, vel in specie sub quibusvis ver-
borum formis, & clausulis, etiam Motu
proprio, & scientia, ac de Apostolica po-
testatis plenitudine similibus forsitan factis,
& concessis, aut in posterum fiendis, & con-
cedendis, necnon dictarum, & similium
facultatum, & gratiarum suspensione, per
nos in praesenti anno Jubilei ad similitudinem
nostrum, & dictae Sedis beneplacitum de fra-
trum nostrorum consilio facta, quibus om-
nibus etiam si pro illorum sufficienti dero-
gatione, de ipsis eorumque totis tenoribus
specialis, specifica, expressa, individua,
ac de verbo ad verbum, non autem per
clausulas generales importantes mentio, seu
quavis alia expressio habenda, aut aliqua
alia exquisita forma servanda esset, illorum
tenores praesentibus pro sufficienter expres-
sis, & insertis habentes, illis alias in suo
robore permanentibus, hac vice dumtaxat,
specialiter, & expresse de simili nostra
scientia, & potestatis plenitudine deroga-
mus, ac cuiquam nolumus ullatenus suffra-
gari, ceterisque contrariis quibuscumque, aut
si aliquibus, vel eorum Ordinibus ab eadem
Sede indultum existat, quod interdicti &c.

§.21. Verum quia difficile foret praesentibus
&c.

Nulli ergo omnino hominum liceat
hanc paginam &c.

Si quis &c.
Datum Romae apud Sanctum Petrum,
Anno Incarnationis Dominicae, millesimo
quingentesimo vigesimo quinto, Kalendas
Junii, Pontificatus nostri Anno II.

D.P. An.II,
1. Junii.

XIII.

Privilegia, indulta, & exemptiones Au-
ditorum Rotae Romanae.

CLEMENS EPISCOPUS
SERVUS SERVORUM DEI

Ad perpetuam rei memoriam.

Convenit aequitati Romani Pontificis di-
gna pro meritis praemia compensantis,
illis potiores gratias, & favores impartiri
efficaciter, qui non solum pro ipso Romano
Pontifice, sed etiam pro universali Ecclesia,
ac Sedis Apostolicae honore, & personis ad
illam confluentibus iustitia ministranda gra-
viora sollicitudinis studia, prompta volun-
tate jugiter perferre, & facti evidentia de-
signante majora eidem Sedi devotionis ob-
sequia studiosius impendere dignoscuntur, ut
exinde eorum devotio augetur, & fides
illorum cunctis plenius innotescat, ac alii
eorum exemplo ad similia propensius ex-
citentur.

Exordium.

§.1. Hinc est quod nos debita conside-
ratione pensantes continuos labores, quos
dilecti filii causarum Palatii Apostolici Au-
ditores, & eorum Locatenentes, nuac, &
pro tempore existentes circa causas ipsas au-
diendas, & sine debito decidendas ad publi-
cam utilitatem, & ejusdem Romani Ponti-
ficis honorem permaximum in dies noscuntur
substinere, ac propterea volentes eos,
qui etiam nostri, & Romani Pontificis pro
tempore existentis Capellani existunt, con-
dignis favoribus, & praerogativis, prout de-
bitum reputamus, prosequi.

Causa hujus
Constitutionis.

§.2. Motu proprio, non ad ipsorum Au-
ditorum, & Locatenen. vel aliorum pro
eis nobis super hoc oblatae petitionis instan-
tiam, sed de nostra mera deliberatione, &
ex certa scientia, ac de Apostolicae potesta-
tis plenitudine, cum eisdem Auditoribus,
& Locatenen. nunc & pro tempore existen-
tibus, ac eorum singulis, ut quaecumque
quatuor curata, seu alias invicem incompati-
bilia secularia, aut uno, vel duobus, seu
tribus ex eis, seu absque illis unum cum
cura, vel sine cura, cujusvis etiam Clunia-
cen. vel Cisterciens. Ordinis regulare, nec-
non quaecumque alia tria similia, vel dissimi-
lia sub singulis tribus testis quarumcumque
trium Cathedralium etiam Metropolitanarum,
vel Collegiarum, aut aliarum Ec-
clesiarum consistentia, alias se invicem, &
cum dictis incompatibilibus beneficiis com-
patientia beneficia Ecclesiastica, etiam si
alterum beneficiorum sub eisdem testis
consistentium cum cura, aut quomodolibet
eorum Canonicatus, & praebenda, & tam
illa

Privilegia
circa plurali-
tatem benefi-
ciorum.

illa, quam incompatibilia secularia dignita-
tes, personatus, administrationes, vel offi-
cia in Cathedralibus etiam Metropolitanis,
vel Collegiatis, & dignitates ipsae in Cathedra-
libus etiam Metropolitanis post Pontifi-
cales majores, seu Collegiatis Ecclesiis hujus-
modi principalis, aut tria ex eis Parochia-
les Ecclesiae vel earum perpetuae Vicariae
seu talia mixtim, Regulare vero beneficia
hujusmodi Prioratus, praepositorum, praepo-
sitatus, dignitates, dignitas etiam Con-
ventualis, personatus, administrationes, vel
officium fuerint, & ad Prioratum, praepo-
situram, praepositatum, dignitates, per-
sonatus, administrationes, vel officia hujus-
modi consueverint, qui per electionem as-
sumi, eisque cura imminuat animarum, si
eisdem Auditoribus, & Locatenentibus
alias canonicè conferantur, aut ipsi eligantur,
praesententur, vel alias assumantur ad
illa, & instituantur in eis, recipere, & in-
simul secularia in titulum, ac regulare in-
commendam sub eisdem testis consistentia,
videlicet si duo Canonicatus, & duae
praebendae, ac totidem dignitates, personatus,
administrationes, vel officia ad annum
a die habitae pacifice per eos utriusque illo-
rum possessionis computandum duntaxat.
Si vero alia fuerint, ac incompatibilia se-
cularia, necnon regulare beneficia hujus-
modi, quoad vixerint retinere, illaque si-
mul vel successive, simpliciter, vel ex cau-
sa permutationis, quoties eis placuerit dimit-
tere, & eidem commenda cedere, ac loco
dimissi, vel dimissorum aliud, vel alia simile,
vel dissimile, aut similia, vel dissimilia be-
neficium, seu beneficia Ecclesiasticum, vel
Ecclesiastica, quatuor duntaxat curata, seu
alias invicem incompatibilia secularia, aut
cum uno, vel duobus, seu tribus ex eis, vel
absque illis unum cum cura, vel sine cura
cujusvis etiam Cluniaen. vel Cisterciens.
Ordinis regulare, necnon quaecumque tria
alia similia, vel dissimilia sub singulis tribus
testis quarumcumque trium Ecclesiarum
consistentia, alias, ut praefertur, compa-
tientia similiter recipere, & insimul se-
cularia in titulum, regulare in commendam
sub eisdem testis consistentia, videlicet si
duo Canonicatus, & duae praebendae, aut
totidem dignitates, personatus, admini-
strationes, vel officia ad annum, ut praefertur,
computandum. Si vero alia fuerint, ac
incompatibilia, necnon regulare benefi-
cia hujusmodi dummodo inter ipsa qua-
tuor incompatibilia secularia plures quam
tres Parochiales Ecclesiae, vel earum per-
petuae Vicariae, & sub singulis tribus testis
consistentia post dictum annum duo Canoni-
catus, & duae praebendae, aut totidem di-
gnitates, personatus, administrationes,
vel officia, ac regulare beneficia hujusmodi
officium clausurale non existant, quoad vi-
xerint, ut praefertur, retinere, necnon
debitis, & consuetis ipsius regularis benefi-
cii supportatis oneribus de residuis illius
fructibus, redditibus, & proventus, si-
cuti illud in titulum pro tempore obtinen-
tes de illis disponere, & ordinare poterunt

seu etiam debuerunt (alienatione tan-
quorumcumque bonorum immobilium, &
praetiorum mobilium dicti regularis benefi-
cii eis penitus interdicta) disponere, &
ordinare libere, & licite valeant. Ac quod
ipsi Auditores, & Locatenentes, ac eorum
singuli, naturales in omnibus regnis, domi-
niis, & provinciis existant, ac in ipsis, &
eorum singulis quaecumque quoscumque, &
qualiacumque cum cura, & sine cura benefi-
cia Ecclesiastica secularia, & regularia,
etiam ut praefertur, qualificata alias eis cano-
nicè conferenda perinde ac si ibidem
oriundi, & nati fuissent, etiam recipere,
& retinere libere, & licite possint, ac de
illis aut qualitate locorum in eorum literis
mentionem facere minime teneantur.
Quodque ratione quorumcumque benefi-
ciorum Ecclesiasticorum curatorum, seu ex sta-
tuto, fundatione, aut alias sacros etiam
Presbyteratus ordines requirentium per
eosdem Auditores, & Locatenentes, ac
eorum singulos pro tempore obtentorum,
usque ad septennium a fine anni a jure con-
cessi computandum, ad aliquem ex sacris
ordinibus hujusmodi promoveri minime te-
neantur, nec ad id a quoquam inviti coar-
ctari possint auctoritate Apostolica tenore
praesentium de specialis dono gratiae dispen-
samus, eisque pariter indulgemus.

§.3. Et insuper praefatis Auditoribus, &
Locatenentibus, & eorum cuilibet, ut om-
nes, & singulas utriusque sexus personas
quarumcumque Parochialium Ecclesiarum,
ac dignitatum, vel aliorum beneficiorum ec-
clesiasticorum curam animarum habentium
per eos pro tempore obtentorum, vel se
ipsos vel alios ab eis deputandos eorumdem
personarum confessionibus diligenter audi-
tis, in omnibus, & singulis casibus in qui-
bus Ordinarii locorum de jure, vel consue-
tudine absolvere possint, quoties ad eos con-
fessionis causa confugerint, absolvere, eisque
poenitentiam salutarem injungere.

Facultas ab-
solvendi sicut
Ordinari.

§.4. Necnon de omnibus, & singulis
bonis mobilibus, & immobilibus ubilibet
consistentibus cujuscumque quantitatis, &
qualitatis, etiam si in pecunia fuerint, quae
ad eos, & eorum quemlibet, etiam Ar-
chiepiscopos, vel Episcopos etiam ratione
suarum, quibus nunc praesse dignoscuntur,
aut aliarum Cathedralium, etiam Metro-
politanae, ad quas eos transferri contige-
rit, Ecclesiarum, & aliorum beneficiorum,
Ecclesiasticorum, secularium, & regula-
rium, obtentorum, & obtinendorum quo-
modolibet pertinent, & pertinebunt, ac-
quisitis, & acquirendis, tam in vita, quam
etiam ultima voluntate eorum inter constan-
tineos, & alias quascumque personas, ac
loca, necnon pro expensis funerum, ac re-
muneratione eorum, qui sibi viventibus ser-
vaverint, disponere, erogare, testari, co-
dicillari, ac illas alias in pios, & quoscum-
que alios tamen licitos usus, prout eis vide-
bitur expedire, convertere, libere, & li-
cite valeant.

Testandus
etiam de bo-
nis acquisitis
ex beneficiis.

§.5. Ac praedicta, necnon omnia, & sin-
gula alia beneficia Ecclesiastica cum cura,
& facula-

Transferendi
& etiam resi-
guandi benefi-
cia &c.

secularia, & quorumvis Ordinum regularia per ipsos Auditores, & Locatenentes, ac eorum singulos in titulum, & commendam, ac invicem seu aliis ad eorum vitam unita, pro tempore obtenta, necnon in quibus, & ad quae jus eisdem Auditoribus, & Locatenentibus competit, & competere poterit in futurum, ac de quibus eis provi- sum, etiam illorum possessione non habita, seu providi mandatum, vel concessum fuerit, simpliciter aut pro alio, vel aliis simi- mili, vel dissimili, aut similibus, vel dissi- milibus beneficio, seu beneficiis Ecclesia- stico, vel Ecclesiasticis, cum quibusvis per- sonis cum eis permutare volentibus, ac cau- sa permutationis huiusmodi, in qua tamen nulla illicita pactio, seu simoniaca pravitas interveniat, in quorumcumque ordinato- rum locorum, aut Canonico- rum Metropol- itan., vel aliarum Cathedralium Ecclesia- rum, seu aliarum personarum in dignitate Ecclesiastica constitutarum ad id per eos eli- gendorum, vel eligendarum manibus extra Romanam Curiam, praefatae Sedis, vel cu- jusvis alterius licentia, super hoc minime re- quisita, resignandi, & commendis, necnon juri, & concessionibus etiam literis Apo- stolicis non confectis cedendi, ac dissolutio- ni unionum huiusmodi consentiendi, ipsi- que Ordinariis, Canonici, & personis in dignitate constitutis, resignationes, & ces- siones huiusmodi ab eisdem Auditoribus, & Locatenentibus, simpliciter, vel ex eadem causa etiam permutantibus personis ex dic- ta causa dumtaxat extra eandem Curiam auctoritate praedicta recipiendi, & admit- tendi, ac uniones, annexiones, & incor- porationes praedictas dissolvendi. Necnon ea, quae simpliciter resignaverint, & quorum commendis, aut juri, & concessionibus ces- serint, seu unionum dissolutioni consense- rint personae, seu personis idoneae, vel ido- neis ad id per ipsos Auditores, & Locate- nentes nominandae, seu nominandis, & qua- cumque, quorumcumque, & qualicumque be- neficia Ecclesiastica obtinentibus, & expe- ctantibus, quibus, & non aliis etiam si ante resignationes, seu cessiones huiusmodi per eos nominatae fuerint, conferri possint, & quae ex eadem causa cum eis permutantibus. Quae vero ipsae compermutantes personae re- signaverint beneficia huiusmodi etiam si, ut praefertur, qualificata, & compermutantium huiusmodi similem facultatem non habentium beneficia huiusmodi dispositioni Apo- stolicae generaliter reservata, seu affecta- fuerint, eisdem Auditoribus, & Locate- nentibus conferendi, & de illis etiam provi- dendis; ac omnia, & singula alia in praemis- sis, & circa ea necessaria, seu quomodoli- bet opportuna faciendi, ac exequendi ple- nam, & liberam auctoritate, & tenore praedictis motu simili facultatem concedimus.

§.6. Ac eisdem Auditoribus, & Loca- tenentibus, & eorum singulis etiam in dic- ta Curia, aut aliquo Beneficiorum Eccle- siasticorum, cum cura, & sine cura per eos pro tempore obtentorum residendo, in aliis Beneficiis Ecclesiasticis similiter per eos

Privilegium ei ca residen- tiam.

in quibusvis Ecclesiis, sive locis pro tem- pore obtentis residere minime teneantur, nec ad id inviti compelli possint. Et nihilominus omnes, & singulos fructus, reddi- tus, & proventus beneficiorum praedicto- rum etiam, ut praefertur, qualificatorum, cum ea integritate (quotidianis distribu- tionibus dumtaxat exceptis) libere perci- pere valeant, cum qua illos perciperent, si in eisdem beneficiis personaliter residerent, distique beneficiis per Cappellanos, seu Vicarios idoneos ad eorum nutum amovi- biles in divinis deservire, & animarum cu- ram illis imminentem exercere, ac qua- cumque Ecclesiastica Sacramenta ministrari facere, quotiens opus fuerit, Dioecessani loci, & cuiusvis alterius licentia super hoc minime requisita, libere, & licite valeant, nec ad residendum in illis per quempiam cogi possint.

§.7. Eisque, & eorum cuilibet, ut quoad vixerint, quoties eis placuerit, per se ipsos, aut cum uno, vel duobus sociis etiam familiaribus suis per eos pro tempore eligendis horas canonicas diurnas pariter, & nocturnas, ac alia divina officia secun- dum usum, & morem Romanae Ecclesiae, etiam anticipatis, vel postpositis horis dicere, & recitare libere, & licite valeant. Nec ipsi, aut eligendi socii huiusmodi ad alium usum super hoc observandum teneantur, nec ad id a quoquam etiam ratio- ne beneficiorum Ecclesiasticorum per eos pro tempore obtentorum inviti possint coarctari.

§.8. Quodque ipsi, & eorum singuli ali- quem Presbyterum secularem, vel cuiusvis Ordinis regularem in eorum possint, & cuilibet eorum possit eligere confessionem, qui vita eis comite in casibus dicte Sedi reservatis (praeterquam offensae Ecclesiasticae libertatis: criminum haereticis, rebellionis, aut conspirationis in personam, vel statum Romani Pontificis, seu Sedem Apostolicam, falsitatis literarum Apostolicarum, supple- tionum, & commissionum, invasionis, depraedationis occupationis, devastationis terrarum, & maris, dicte Romanae Eccle- siae mediate, vel immediate subiectorum, offensae personalis in Episcopum, vel alium Praelatum, prohibitionis devolutionis cau- sarum ad Romanam Curiam, delationis armorum, & aliorum prohibitorum ad partes infidelium, semel singulis annis, & quoties de eorum morte timendum extite- rit, in aliis vero, quoties fuerit opportunum, confessione eorum diligenter audita pro commissis eis debitam absolutionem im- pendat, & iungat poenitentiam salutarem, necnon vota quaecumque (ultramarino, liminum Apostolorum Petri, & Pauli, ac S. Jacobi in Compostella, ac Castitatis, & Religionis votis dumtaxat exceptis) in alia pietatis opera commutare valeat, quodque confessor, quem duxerit eligendum omnium peccatorum suorum, de quibus corde con- triti, & ore confessi fuerint, etiam semel singulis annis, & quoties de eorum morte timendum fuerit, ut praefertur, plenariam remis-

Facultas reci- tandi horas canonicas ho- ri postpositis.

Facultas eli- gendi Con- fessores, qui in casibus refer- vatis (exceptis hic expres- sis) absolve- re possint. Quod decla- ratur hic in- fin.

remissionem a poena, & culpa eis in sinceritate fidei, unitate Romanae Ecclesiae, ac obedientia, & devotione nostra, & succes- sorum nostrorum Romanorum Pontificum canonicè intrantium persistentibus dicte auctoritate Apostolica concedere possit, sic tamen quod idem Confessor de eis, de quibus fuerit alteri satisfactio impendenda, eis per eos, si supervixerint, vel alios, si forsitan tunc transferint, faciendam iungat, quam ipsi, vel illi facere teneantur.

Privilegium celebrandi an- te diem, & in locis inter- dictis.

§.9. Liceatque eis habere altare portati- le cum debitis reverentia, & honore, su- per quo in locis ad hoc congruentibus, & honestis, sine juris alieni praedictio, & cum qualitas negotiorum pro tempore ingruentium id exegerit, & antequam elucescat dies, circa tamen diurnam lucem. Et si forsitan ad loca interdicta Ecclesiastico, tam ordinaria, quam Apostolica auctoritatibus supposita ipsos declinare contigerit, in illis, clausis januis, non pulsatis campanis, & submissa voce, excommunicatis, & inter- dictis exclusis, in eorum, & familiarium suorum domesticorum, ac sex aliarum per- sonarum utriusque sexus per eos, & eorum quemlibet eligendarum praesentia, dummo- do ipsi, vel illi causam non dederint inter- dicto, nec id eis contigerit, quod speciali- ter interdicti possint, per se ipsos, qui Pres- byteri fuerint, aut proprium, vel alium Sacerdotem idoneum Seclarem, vel Regu- larem, Missas, & alia divina officia cele- brari, seu celebrari facere, & Ecclesiasti- ca Sacramenta recipere, ac eorum tempore interdicti huiusmodi decedentium corpo- ra Ecclesiasticae tradi possint sepulturae etiam cum aliqua funerali pompa.

Facultas con- ferendi Sta- tionum Urbis, propriam Ca- pellaam visita- do.

§.10. Et insuper duas Ecclesias, seu duo, vel tria Altaria in locis ubi ipsos Au- ditores, & Locatenentes, ac eorum quem- libet pro tempore morari contigerit, per eos, & eorum quemlibet pro tempore eli- gendas, seu eligenda singulis diebus Qua- dragesimalibus, & aliis anni temporibus, & dum in Curia residerint, eorum pro- priam Capellam, diebus tamen audientiae, visitando, singulas indulgentias, & pecca- torum remissiones consequantur, quas con- sequerentur, si ipsi eisdem temporibus, & diebus Basilicas, & Ecclesias Stationum Ur- bis, & extra eam ad id deputatas personaliter visitarent.

Facultas circa ofium carni- um.

§.11. Eisque, & eorum cuilibet, ac eorum familiaribus praedictis, vel diebus, & temporibus, quibus estis carni- um, ovorum, casei, butyri, & aliorum lacticio- rum est prohibitus, eisdem ovis, caseo, buty- ro, & aliis lacticiis, ac de utriusque Medici consilio carni- um absque conscientie scrupulo uti, & vesci.

Privilegium circa expecta- tivas.

§.12. Ipsique Auditores, & Locatenen- tes nunc, & pro tempore existentes, ac eorum singuli literas gratiarum expectativa- rum, quoties eas generaliter concedi conti- gerit, absque aliqua signatura desuper ex- pediendi in prima eorum expeditione ad tres collationes per eorum quemlibet eli- gendas, & tria beneficia cuiuscumque taxa,

seu annui valoris illorum fructus, redditus, & proventus fuerit, etiam si unus ex dictis beneficiis alias sub eorumdem Auditorum, eorumve Locatenentium gratiis expectati- vis, eorumve collationum mutationibus, revalidationibus, & extensionibus pro tem- pore comprehensis eidem dispositioni Apo- stolicae ex quavis causa; praeterquam ratio- ne vacationis illius apud Sedem praedictam aut familiaritatis continuae commensalitat- is nostrae, & tunc viventis Romani Pontificis, aut cuius tempore vacationis ad id consen- sus requirendus foret alicujus dicte Ecclesiae Cardinalis generaliter reservatum, vel ex generali Apostolica reservatione, ac alias quomodolibet affectum fuerit expedire, & ipsum beneficium sic generaliter reserva- tum, seu affectum acceptare, consequi, & obtinere, necnon beneficia sub huiusmodi gratiis expectativis, & illarum collationum mutationibus, revalidationibus, & exten- sionibus comprehensa, etiam in eorum a dicte Curia absentia per Procuratorem, tam in dicte Curia, quam extra eam, etiam in genere acceptare, & de illis etiam provide- ri facere, ac alias diligentias requisitas per se, vel alios facere, ac instrumenta in spe- cie ex suis notis generalibus acceptationum, & aliarum diligentiarum praedictarum ex- trahi facere, & obtinere, ac Notarii sic in genere rogati instrumenta in specie ex suis notis generalibus desuper facta ad instan- tiam Auditorum, & Locatenentium praedictorum, ac quos id concernet extrahere dumtaxat, & publicare possint respective, & debeant.

§.13. Et ad satisfaciendum regulae sive constitutioni de publicandis acceptationibus, & provisionibus, ac illis intimandis posses- soribus, seu eis ad iudicium evocandis pro tempore editae, etiam ratione praedictarum expectatarum, aut aliarum gratiarum, & reservationum quarumcumque minime teneantur. Ac eorum fratres, & nepotes, tam descendentes, quam Collaterales, ac amicos, seu benevolos, & familiares ipso- rum in toto, vel in parte, aut simpliciter, vel quoad unam, vel plures, seu singulas gratiarum expectatarum eis pro tempore concessarum, & illarum mutationum, re- validationum, & extensionum collationis prosequendis antelationibus, praerogativis, privilegiis, & indultis eisdem Auditoribus, & Locatenen. in assecutione beneficiorum vigore gratiarum huiusmodi acceptando- rum pro tempore concessis loco sui nomi- nare, & quod sic nominatis praerogativis Auditoribus, & Locatenen. concessis, & concedendis huiusmodi in assecutionibus beneficiorum Ecclesiasticorum sub collatio- nibus, ad quos nominati fuerint comprehen- sorum, quae vigore literarum desuper con- ficiendarum duxerint acceptanda, uti, po- tiri, & gaudere, ac in omnibus, & singu- lis, quibus ipsi Auditores, & Locatenentes immediate praefertuntur (dilectis filiis litem- rarum Apostolicarum de Majori Praesiden- tia Abbreviatoribus, & earumdem litem- rarum Scriptoribus dumtaxat exceptis) im- media-

Indultum cir- ca formam publicandi pro- visiones bene- ficiorum.